

專載

唐紹儀等之和平通電

本報素抱和平宗旨凡關於和平者無不竭力呼籲今讀唐少川徐固卿張仲仁等之和平通電實與本報宗旨相同因特將原文紀之於后

記者識

盛京張雨帥北京杜總理張效帥太原閻百帥孝感吳玉帥南京九江孫馨帥西安劉雪帥武昌岳州蔣介帥開封寇弼帥蚌埠陳燮帥南昌鄧和帥盧馨帥福州周蔭帥均鑒民國肇造十有五年如水益深如火益熱約法主權在民而民無權獨軍有權官有權則不如稱軍國或官國之爲愈矣若猶是民國也民厭兵事久矣任擇四萬萬人之一人問之皆願息兵其不甘息者皆武力統一之說誤之自民元以來武力起家資產千萬者現幾何人壯兒健丁暴骨原野者幾十萬人民間生命財產隨以危亡者幾千萬家回視國債則幾千萬兆交通機關之破產者幾百兆和會成績付之流水關稅會議渺無定期預徵錢糧已至何年發行公債亦無應者即令一方全勝亦得不償失況驅血肉之軀以僥倖於不可知之數諸公皆民國之勳命世豪傑豈所見反出乎民下耶即以人民喻牛羊諸公爲司收剪羊毛必望羊之澤用牛力必望牛之肥若毛禿力瘠僅存

皮骨國之不存將焉用兵南口之戰武漢之爭由肉搏如牆而進足豪以矣願用於內戰則爲不武俾士馬克所以鼻笑李鴻章也一砲之費十家產此而曰民生主義其生幾何吾儕固知蘇俄赤化之可畏而尤以全國混戰爲可哀軍興時期不必共產而產已去其大半矣不必共妻而寡人之妻已多矣諸公設身處地亦必惻然於中者武漢者國之中樞洪楊時代屢得屢失殺人無算公等所知也長此不已民無子遺吾等明知羣龍無首必決雌雄所祈禱膜拜呼籲於諸公之前者可否使人民喘息一二年如漢之遼東公孫五代之楊行密錢鏐稍稍爲國家留元氣而已公等地醜德齊莫能相尙請以武漢爲緩衝地由保安總司令暫行維持而懇元老至漢主盟各派一介全權開會議定暫行劃分治地域在若干時期之內各不相犯公等各修內政視中外人心所向即將天命所數否則一波未平一波又起勝者固不足敗者亦無可逃公等即不爲人民計獨不爲自身安全名譽計耶迫切陳詞天日鑒之

